

Num. II. varios locos super vocem *Inultus* adduxi, cujus nec haecenus aut piget aut pudet deprehendentem, quod idem quoq; illud magnus vir *Freinsbemi*us observavit, cujus vitulâ feliciter omnino, quam alterius aut bove aut asino, aravero. Quæ ergo post-idea occurrerunt, hæc sunt, *Sallustius* Catilinam cum Antonio conflicturum oratione militari sic finientem introduxit: *Cavete, ne inulti animam amittatis, neu capti potius, sicuti pecora* (Confer *Curt. lib. V. c. 3. §. 19.* ferarum ritu. *Et l. eod. 9, 6.* belluarum ritu) *trucidemini, quam viduorum more pugnantem atq; luctuosam victoriam hostibus relinquatis* (cap. 58. §. II.): *Freinsbem. Indic. in Flor. addit Josephum* (XIII, 24.) vertisse, ὑπο ἔχθρῶν δίκην βοσκημάτων κόπτεσθαι. Iterum *Sallustius Jugurt. cap. XXXI. nonnull. XXXIV.*) Quam foedè, quamq; *inulti* perierint vestri defensores (al. *multi*: sed mel. *inulti*, h. e. *nulla sumpta pena*). Paullò post *ulcisci πανητικῶς* positum offendes. *Tacitus* porrò (*IV. Annal. c. 12.*) *Sejanus* ubi videt mortem *Drusi inultam* interfecto-ribus, sine mœrore publicò esse. Ita apud e-umd. *Tacfarinas*, captivitatem haut *inulta* morte effugit (*lib. ejusd. cap. 25.*) *Curtius* quoq; (*IV, 16, 24.*): *Nec Persæ* cadebant *inulti*. Et iterum (*lib. ejusd. c. 3. ult.*) *Vulneribus inulti* patebant. *Inulta* perfidia (*eod. c. 8. §. 4.*), ut odium *inultum* apud *Horatium lib. 1. epist. 2. v. 61.* *Inulta* tellus, *Africa*, pro quâ nulla sumpta foret ultio, *cid.* (*II. Carm. 1, v. 26.*) Unde *Diana* apud *Nasonem* (*Metam. IIX. v. 279.*).

— — — at non impunè feremus,  
 quæq; inhonoratæ, non & dicemur *inulta*.  
 Et (*lib. IX. v. 416.*) — — — neve necem sinat esse ultoris *inultam*,  
 ut *inultum* habeat, ut loquitur *Valerius* (*lib. IX. c. 7. §. penult.*) daß es  
 ihm so ungenossen hingienge/ unde apud *Lucanum* (*lib. V. v. 260.*)  
 — — — quicquid multis peccatur, *inultum* est:

ubi enim incipiet licitor aut carnifex, & quando desinet? Cui etiam *Crassus* (*lib. I. v. 11.*) dicitur umbrâ *inultâ* (†) errare, quum nondum

A 2

de

(†) ita *Alexander* apud *Curt. I. V. c. 6, §. 1.* excidio *Persepoleos* dicit parentandum esse suis majoribus.